

Շահ-եօլի ճանապարհին շինութեան երկրորդ պատ-
ճառն ևս լինելու է Բազրեանդայ ընդարձակ ջրերն,
որ զարնան կառատանան, հուն չունին շատ անգամ
բանակաց երթեկութեան արգելք կը լինին:

Ըստ Եզդի ժողովրդեան աւանդութեան, այս ճա-
նապարհն շինուած է զաղանի բանակ անցնելու համար:

— Միւր չոպան անուն հովիւ մի եղած է Ապաղայի
ընդարձակ դաշտին մէջ,¹ որ Եզտի էր, քուրդ միւրի
մի ոչխարները կարածեցներ, երբ Սուլթան Մուրատ
Սամանեան թագաւորը ծպտեալ կը գնար Գավրէժը լքը-
տեսելու, պատահած է այս հովուին և կաթ խնդրած
ու կերած է: Եզտի ժողովրդեան պատկանող այս հո-
վիւը հոգոց կհանէ, սուլթանը պատճառը կը հարցնէ.
— «Պարսիկ ժողովրդեան ձեռքը այնչափ նեղութիւն կը
քաշէ, կասէ, մեր ազգը, որոց պահանջը կատարել որ
և անտանելի դարձած է, լսած ենք որ Սուլթան Մու-
րատ պատերազմ պիտի բանայ պարսից հետ, Աստուած
յաջողէր, յաղթէր Սուլթան Մուրատ, մենք ևս զե-
րութիւնից ազատուէինք»:

Սուլթան Մուրատի հաճոյ կը թուի հովուի խօ-
սակցութիւնը: Գավրէժ զբաւելու եղանակին վերայ
խորհուրդ կը հարցնէ, նաև կը հարցնէ թէ որպէս և ինչ
ճանապարհով յանկարծ Գավրէժ մտնէ որ թշնամին
չգիտնայ:

Հովիւը շատ մի վայրեր և լեռներու վերայ հով-
ուութիւն արած լինելով ծանօթ էր Շահ-եօլի ճանա-
պարհին, կասէ:— «Այնպիսի ճանապարհով կարող եմ

1. Ապաղան կընկնի Վանայ և պայազիտի մէջ.